

禮

說

禮說一

襍箸之一

定海黃以周

初予讀秦氏五禮通考病其吉禮之好難鄭軍禮之
太阿鄭每一卷數輒有化既而誤禮書通故遂輟業
焉編舊彙削存什五長沙王祭酒蔡經解采入續編
中語與禮書通故同皆舊化也今復重定刪五篇入
四篇增卅四篇皆補禮書通故所未備凡七十六篇
癸巳春識

郊祀

天與帝偏言之互相通對言之義各別劉子政五經通

義有上帝昊天上帝之分其說依據周禮故鄭注周禮
遵用劉說而混合之者自王肅始攷之掌次曰王大旅
上帝則張瓊案設皇邸朝日祀上帝則張太次小次設
重帟重案大旅上帝與上帝非一祭故別言之司服曰
祀昊天上帝則服大裘而冕祀上帝亦如之祀昊天上
帝與上帝非一祭故然言之王肅欲混天帝之僭尊乎
混之不可尋遂以上帝爲人帝矣典瑞曰四圭有邸
以祀天旅上帝兩圭有邸以祀地旅四望祀天旅上帝
與祀地旅四望對文然舉則天與上帝非一祭猶地與
四望非一祭也天主於一故僭祀與地同上帝非一神

故稱旅與四望同旅者會祭之名也王肅欲混天與上帝之稱專乎欲合天與上帝之祭可乎若混合之於周禮之女少別白矣釋周禮文祀天曰昊天上帝祀五氣分王之帝曰五帝兼祀五帝曰旅上帝郊祀五帝曰大旅上帝上帝卽五帝合昊天上帝爲六帝而諸經之稱上帝有專以五帝言者亦有渾以六帝言者學者當區別觀之小宗伯曰兆五帝於四郊月令篇曰立春之日天子親帥三公九卿諸侯大夫以迎春於東郊立夏之日天子親帥三公九卿大夫以迎夏於南郊立秋之日天子親帥三公九卿諸侯大夫以迎秋於西郊立冬之日

日天子親帥三公九卿大夫以迎冬於北郊又帝分王
各有專祀春祭蒼帝夏祭赤帝秋祭白帝冬祭黑帝季
夏土王之日祭黃帝其配以又人帝又人神也鄭君所
謂靈威仰赤燂怒諸名目出於緯書人或不信而周有
又天帝之祀非確然可信乎王肅之徒以又天帝爲又
人帝則又人帝未出之序其無司四時布又行者乎左
氏襄七季傳曰郊祀后稷以祈農事是故啟蟄而郊郊
而後耕孝經曰郊祀后稷以配天月令篇曰天子乃以
元日祈穀於上帝此孟春祀又帝卽祭法所謂郊稷也
郊又帝曰配天者猶祭又土曰祭地與渾言之也王肅

之徒遂謂祈穀上帝是祭天之名非祀上帝其說殊謬
充人掌祭祀之牲牲祀上帝則繫於牢芻之三月此卽
郊滌帝牛之說而曰祀上帝冢宰祀上帝壽期十日帥
執事而卜日遂戒此卽卜日用辛獻命戒官之說而亦
曰祀上帝大司寇禋祀上帝則泔誓百官戒於百族此
卽庫門戒百官大廟戒百姓之說姓謂子姓百而亦曰
祀上帝則郊祀上帝有明證矣司服又言祀昊天及
上帝苾服大裘而冕假令上帝不配於南郊祭非夏正月
何時可服大裘乎如謂服之以祭四時迎氣之五人帝
則迎春祀太皞可以服裘而迎夏迎秋其辱服裘乎尙

專曰祀五帝亦如之乎左氏桓五季傳曰龍見而雩在
孟夏四月月令篇大雩帝在仲夏五月春秋書雩於社
七月之後爲旱而雩志其災也雩祭山川大雩上及五
帝故曰大雩帝其所配之祖不詳月令篇又言大饗帝
嘗此季秋祀五帝卽孝經所謂宗祀文王於明堂也明
堂唐虞謂之天府又謂之五府府者聚也言天之五帝
聚於此也明堂專祀五帝其禮甚古或謂宗祀郊祀皆
爲昊天固失之矣或謂宗祀郊祀皆兼昊天及五帝亦
非也鄭君謂夏雩秋饗於祀五帝其說不可易矣大司
樂曰凡樂園鐘爲宮黃鐘爲角大簇爲徵姑洗爲羽

鼓鼙鼗孤竹之管雲和之琴瑟雲門之舞冬日至於地上之圓丘奏之此冬日至祭昊天上帝卽祭法所謂禘也其對北郊言之則曰南郊記郊特性曰兆於南郊就陽位是也其對啟轡郊言之則曰始郊郊特性曰周之始郊日以至是也故圓丘亦有郊名而不畧謂郊卽圓丘猶方澤亦有社名而不畧謂社卽方澤也然則天之神有六每歲之常祭有九祀昊天上帝一祀上帝又合祀上帝曰放上帝二郊祀上帝曰大放上帝一記禮器云大嘗之禮不足以大放大放具矣不足以嘗帝毋

輕議禮

五帝郊

天有五帝行化生萬物周禮詳五帝之祀卽主五行之氣者也禮器篇云因吉土以饗帝於郊而風雨節寒暑時鄭注云饗帝於郊以四時所兆祭於四郊者也五帝主五行五行之氣和而庶徵尋其序也五行木爲雨金爲暘火爲煥水爲寒土爲風鄭君此注最爲明確春郊所穀之所以祀五帝者以此王肅好與鄭難而私定家語亦云天有五帝行水火金木土分時化育以成萬物其神謂之五帝與鄭注合蓋古說相傳有自肅亦不敢盡改也五帝爲五行精氣之神以其氣言謂之五精之帝可

也鄭月以其性言謂之五德之帝可也鄭王以其色言

謂之五色之帝亦可也周禮先以其方言謂之五方之

帝亦可也朱子王肅注家語云五行之神佐天生

物者後世讖緯皆為之名字亦為妖怪妄言夫靈威仰

赤熛怒諸名目經無明文但依王肅所定家語五行之

神為五行太皞炎帝黃帝少皞顓頊為五人帝亦安身

謂五人帝之序無五行之帝哉亦安可以周禮之五

帝而一以五人帝當之哉宋楊復已知王肅五人帝之

失而駁之曰果以五人帝為五行則五人帝之序其無

司四時者乎其說善矣然又信天帝合一之說以難鄭

注於周禮不可通則又轉之曰昊天上帝者天之大名
以氣之所主言則隨時隨方而太名如青帝赤帝黃帝
白帝黑帝之類其實一天也楊氏此語卽宋人說理氣
一而二二而一之見馬端臨作通攷已知其失而駁之
曰如楊氏說則五帝乃天之別名原未嘗有所謂五帝
之神也則曰帝可矣何必拘以五又何必於祀上帝之
外別太祀五帝之禮乎蓋五帝爲五行之主而在天猶
五嶽爲五行之鎮而在地也馬氏此說與鄭禮器注合
是也近秦氏味經作五禮通攷力主王肅以斥鄭注謂
鄭注之誤總由以天有六而天帝爲二不知帝既有五

天亦何嘗不可有六天既有六嫌無大小天帝亦不專不分爲二且秦氏於五帝迎氣類亦云五帝者五行之神併六天失之僭是亦分天帝爲二矣則辨此之蹟蹟辨鄭注者誠可不辨也而秦氏且強辨之曰昊天猶乾五帝則元亨利貞四德自知說之不可達僭巧喻以文之當在孟子詖蔽遁窮之例

禘郊祖宗

爾雅釋天曰禘大祭也禘从示从帝帝天也故在釋天中宗廟之禘別取審諦之意非本義也禘爲大祭之名祖廟五季之禘對四時常祀爲大也冬至啟蟄二郊之

禘對祖宗爲大也祭法又分郊禘爲二者冬至之禘對
殷饗郊爲夏大也禘郊在土壇以祀天帝曰禘郊所以
別祖宗之爲庶也祖有德宗有功爲庶之不毀者曰祖
宗亦以見禘郊之不必用其姓也是以四代之祖宗皆
其所自出之先人舜受堯禪雖外戚情同父子亦不必
以非其姓嫌之而禘郊之配不必皆祖宗如舜郊饗舜
非饗後殷人禘饗殷亦非饗後周人禘饗雖舊有姜嫄
饗後之說要無明文是猶殷人禘饗無取乎後不後也
四代之禘不以其祖配之者禘以祀昊天自古昊天之
配皆有功德而爲天子者也有功德不爲天子不以配

昊天以尊天也以崇帝也此百王之所同也三代之郊
又以其祖代配者郊以祀五帝五帝之祀配以人帝與
昊天同而為諸侯之有功德者亦嘗從人帝而祔會焉
此又與昊天異也契稷身為諸侯雖有功德於民不以
配昊天而身專配五帝者亦以其子孫為天子可以其
祖配之耳不然契稷即有功德當如句芒后土之屬祔
會於壇安身專配於郊乎此孔子所以歎追祖配天之
為大孝也鄭王肅之注祭法互有出入鄭身禘郊之義
而失在祖宗王身祖宗之義而失在禘郊鄭之誤二三
之誤四試盡言之祭法之言本於國語國語曰禘郊祖

宗報五者國之祀典也如鄭說合祭明堂曰祖宗是五
祀止爲四祀於國語之文未合鄭之誤一也祭法言祖
宗不及明堂孝經言宗祀明堂又不及祖如鄭說文武
於配明堂曰祖宗是兩祀牽爲一祀於孝經之文亦未
合鄭之誤二也帝王在次最難言史記堯舜禹稷契同
出黃帝駁之者據潛夫論帝嚳爲伏羲之後其後嗣姜
嫫生后稷堯爲神農後舜爲黃帝後禹爲少皞後契爲
顓頊後則二帝三王不一出於黃帝審矣然謂虞出黃
帝夏出少皞非顓頊後又與左傳國語諸文違亦爲未
覈

史記蘇之文顓頊蓋據左傳顓頊不才子之文也其
實左傳所言不必一在故曰在濟班氏律歷志顓頊

五代而生
鮮近之矣王肅徧據史記以大說其誤一也祭法禘郊

祖宗以祀典之大小順言之如王肅說禘為廟祭則郊當在禘上矣申之者謂禘之所及者遠故禘先於郊抑知郊之所及者天天遠而譽近以所及者遠而先言亦當先郊記文何為禘在郊上乎且如其說禘譽祖文宗武皆宗廟之正祭記乃於宗廟祭中屬一郊天之祀於譽文武正祭中屬一郊稷之配享何其褻則不倫乎王肅所解未合祭法本文其誤二也大傳曰禮不王不禘據下禘其祖所自出之文自謂廟禘但如王肅說此為追祀遠祖於始祖之廟申之者謂契稷諸侯也商周以

爲始祖及爲天子乃追始祖所自出之帝而禘饗禘者
享帝之祭也不爲天子不粢祖天子是謂不王不禘抑
知禮言諸侯不敢祖天子以國之存者爲言如周天子
在魯不粢祖文王是也若其國亡君滅則諸侯可以祖
天子如夏亡而杞郊禹是也契稷無父而生傳有明文
欲追始祖所自出亦祭女媧姜嫄而已何必禘饗令契
稷果饗後殷周卽爲諸侯亦當祭饗而大傳又何以云
不王不禘乎如王肅說於大傳之文亦未合其誤三也
且饗無專廟而祭於稷廟俾后稷壓於所尊不粢申始
祖之嚴於饗則爲屈於稷則又義令稷果饗後猶曰配

享如饗非稷祖不幾同夏相之奪祀乎其誤四也祭法
之文本國語還當以國語之言證祭法國語云禘郊不
過爾臬烝嘗不過把握此卽記祭天地牛角爾臬宗廟
角握之說則禘郊是祭天也又云天子禘郊之事必自
射其牲諸侯宗廟之事必自射其牛刲羊擊豕此卽記
祭天特性宗廟太牢之說牛羊豕爲太牢於宗廟之事
臚言此者明禘郊射牲爲祭天特性也一以禘郊對烝
嘗一以禘郊對宗廟與此禘郊對祖宗爲文正同則祖
宗之卽爲宗廟可見禘郊之異於宗廟烝嘗亦可見故
嘗據祭法本文參攷諸說以斷鄭王之誤日記云禘郊

則知祖宗之為廟記云祖宗則知禘郊之不必用其姓
鄭尋禘郊之義而失在祖宗其誤一王尋祖宗之義而
失在禘郊其誤四

又案大傳不王不禘自指廟禘如周以文王為太祖
又太后稷廟以為祖之所自出禘在后稷廟而以文
王配之故詩序有雖禘太祖之文大傳兩言所自出
然以其祖言器服小記禘其祖之所自出器服傳天
子及其始祖之所自出均以服制明廟制所自出皆
據一本之親言不指天帝此亦鄭非而王亦未是者

魯郊禘

晉者成王念周公之勲勞而賜之重祭有廟禘無郊禘
廟禘用天子之禮樂以屬周公而其禮器樂舞於周天
子不盡同孔子言既灌而往不欲觀此饒後世之行庶
禘者敬褻於灌後非言禘之失禮也如禘本非禮則灌
以疇孔子亦當不觀矣孔子所郊禘不厭庶禘庶禘為
成王所賜郊禘為後世所僭也先儒有據竹書呂覽謂
郊由惠公僭者惠公敢執天子之使郊必自行之亦有
據詩魯頌序謂郊由僖公僭者詩頌明言莊公之子龍
旂曷祀皇皇后帝皇祖后稷則旂旒日月祀帝配稷實
起僖公究之郊祀或始惠公或始僖公難以所言而孔

子言周道傷於幽厲郊禘起周公之疾則諸侯之敢擅
僭郊祀必在幽厲之後如周平王時秦襄公始僭諸侯
佯鹵峙祀白帝之比矣明堂位詳述魯禮而曰命魯公
查查祀周公以天子之禮樂是以季夏六月以禘禮祀
周公於大廟牲用白牡尊用犧象云云皆廟禘之制成
王所賜以康周公者後人見魯有郊禘明堂位詳言魯
禮轉未之及因據後查僭禮屨入於季夏禘廟之上不
知郊以帝配以稷旂旒日月以魯君與上文尊祀周公
以天子禮何涉郊有壇柴陶匏之制下文縷述禮樂器
用何又無一言及此揆之文義豪不相貫屨入之跡顯

然可見且魯郊啟蟄本無孟春日之郊左傳載孟獻子之言曰啟蟄而郊郊而後耕誌其實也禘記又引孟獻子語正月日至有事上帝七月日至有事太廟此據周郊正之時以為魯禘廟之例獻子欲大其祖與周人郊天對月非言魯郊日至自違啟蟄而郊之語也孔疏謂一人附說必有一誤辨詳禮書通故佯偽者不察是旨乃據禘記文以屬入之悖甚矣甚明堂佻一篇小數收入禮記本非馬融所增說詳禮書通故後儒誤信孔疏又欲黜之謂此必魯陋儒為之今細讀其文乃知此篇實係周古書其佻書時魯之君臣未嘗相弑禮樂刑法政俗未嘗相變天下以

為有道之國篇末所云皆實錄非虛誕也陋儒不察又於四代之樂器也下增入魯公之廟武公之廟米廩虞庠類宮周學等字與上下言禘祀大廟之制亦隔越不貫且武公大武在室以擬周七廟之制是禮樂相變矣武公之禘魏公瀆弒幽公自去見魯世家是君臣相弒矣此皆陋儒增益之過而明堂佾實鹵周古書佾於幽公之禘非特未見武公在室魏公弒君之事亦實未見僭郊祀帝之舉也或曰祭統言賜魯重祭外祭郊社內祭禘嘗是郊禘廟禘俱成王賜也曰不然社本諸侯常祀非重祭郊固重祭而成王實未之賜也觀祭統下文詳述

禘嘗不述郊社則外祭郊社一語特對文而連及之耳
學者不可偏舉一文以辭害意必謂成王伯禽敗名教
之魁穿窬不戢遂至斬關此亦過矣夫成王所賜曰康
周公非敢濫也伯禽所受曰禘大廟非敢越也其後魯
君僭用周公之禮羣宮遞用大廟之樂非成王伯禽意
也如謂後世之僭竊必由開國之過舉豈魯無重賜後
世遂不僭竊乎豈周末列國之僭逆皆開國者肇之乎
學者信陋儒增益之文污曠古賢君過矣誣矣

魯郊月

春秋左氏說啟蟄而郊郊唯在周之三月公羊說郊用

正月上辛定十五季正月改卜牛又月郊三卜之運也
穀梁說自正月至三月郊之時也以十二月下辛卜正
月上辛如不從則以正月下辛卜二月上辛如不從則
以二月下辛卜三月上辛如不從則不郊鄭康成從公
穀轉卜三正之說王肅從左氏義魯之祈穀與天子同
在啟蟄今以春秋經文核之左傳之義爲長郊用啟蟄
月之辛日不必上辛郊之卜日亦於啟蟄月比甸三卜
不必轉卜三正故春秋書四卜郊又卜郊俱在夏四月
如依公穀義十二月下辛卜郊則三月巳四卜矣經何
以書四卜郊於夏四月乎若以所卜正月上辛言則四

月固四卜矣經何以又書夏四月五卜郊乎且郊牛必在滌三月如謂轉卜三正則周正月可郊滌牛當在十月其或遲至三月郊則牛在滌六月矣有是禮乎董子云魯郊不於日至避王室也比旬而卜之遠怠慢也必夏三旬禮盡於三也董子謂三旬三卜與大宰職時期十日帥報事而卜日之文合春秋於啟蟄之月卜從而郊常事不書宣三季成七季定十五季哀元季之牛傷改卜皆書春正月在周三月爲啟蟄帝牛必在滌三月故於正月滌帝牛以待三月啟蟄之郊春秋書此見滌牛之不敬非誌不時也又僖三十一季書夏四月四卜

郊不從乃免牲左傳曰牲成而卜郊上怠慢也又襄七
季書夏四月三卜郊不從乃免牲孟獻子曰郊祈農事
是故啟蟄而郊郊而後耕今既耕而卜郊宜其不從也
蓋帝牛在滌三月謂之牲正月滌帝牛三月下旬其牲
已成而始卜郊故左書牲以簪怠慢且見於三月後改
卜郊失啟蟄而郊之義也夫魯之始僭郊祀亦必託於
為民祈農事今既耕而卜郊并失僭禮之初意故孟獻
子云然若五月郊九月用郊尤違啟蟄而郊之義乃不
時之大者也或者據明堂位孟春祀帝禘記日至有事
上帝以為魯郊在冬至不於啟蟄別有辨

郊祀燔瘞

祭天燔柴祭地瘞皆既祭而燔之而瘞之不在此祭初亦不在降神後歆神初觀禮云禮日於南門外禮月與四瀆於北門外禮山川其陵於鹵門外祭天燔柴祭山川其陵并祭川沈祭地瘞鄭注以此為會盟之祭所云禮者謂祭初北面詔明神是也所云燔柴并沈瘞為祭終而盟又加於壇上而以載辭告焉是也祭天與日皆燔柴祭地與月皆瘞而燔瘞皆在禮神之後故注云燔柴并沈瘞祭禮終矣備矣此祭終燔瘞之著於經注者也孫炎郭璞注爾雅悉宗鄭義初無異辭但燔瘞在祭終而

燔瘞之牛必先預陳其禮故山海經有肆瘞之文郭注
云肆陳也先事而陳必須有人守之故周官司巫有守
瘞之文鄭注云守之者以祭祀未畢若有事然祭禮畢
則去之謂未燔瘞必先守而待祭畢則可去亦不必長
守也自賀循等誤會此注遂謂燔瘞在祭初皇侃熊安
生增成其義以爲燔柴致陽氣於天而神乃降瘞埋致
陰氣於地而示乃出於是燔瘞在祭初爲顛撲不破之
義而議禮家遂增一大蔽夫五帝三王降天神致地示
皆以樂相感召樂也者所以和人神致百物者也虞書
云夏擊鳴球搏拊琴瑟以詠祖考來格簫韶九成鳳凰

來儀周官大司樂云樂一變而致羽物及川澤之示再
變而致羸物及山林之示三變而致鱗物及丘陵之示
四變而致毛物及墳衍之示五變而致介物及土示六
變而致象物及天神又曰若樂六變而天神皆降可昇
而禮若樂八變而地示皆出可昇而禮則古之降神以
樂有明證矣而謂燔以降天神瘞以致地示此經傳未
之間者也舊說祭天圓土不假營兆故曰不壇泰壇周
官謂之兆謂郊祀又帝也兩祭不同而皆有燔柴祭天
卽燔於所祭之土祭又帝卽燔於所祭之壇初不相假
借自謂燔瘞在祭初禮又不昇同在一處於是賀循又

生積柴於壇南之曲說而燔柴不在泰壇議禮家又增一大蔽而圓其說者則又謂有圓正之祭先至泰壇燔柴殊不忌燔柴於壇祭天於正致神於不祭之處祭神於不致之地彼此牽合終至齷齪皆祭先燔瘞之說誤之也祭天特牲禮有明文燔瘞有牲注有明文燔瘞在祭後尙可謂燔卽用祭天之牲瘞卽用祭地之牲自謂未祭先燔瘞又嫌無牲可用於是賀循等又生燔用左胖之曲說而祭天無全齊議禮家又增一大蔽而圓其說者則又謂祭天自用特牲燔用朶牛殊不忌牛人曰凡祭祀供其享牛朶牛享牛卽在滌三月之帝牛朶牛

卽稷牛惟具之臨時選用卽謂杰牛中亦有燔瘞牛而燔瘞亦斷不在祭先可以經注祭祀未畢巫守肆瘞之說決之也至賈疏曲解鄭注以爲燔瘞在歆神之始下神之後故曰祭禮之終殊不愆燔瘞於樂六變樂八變之時下神之禮猶未終如燔瘞於樂六變樂八變之後時神已降何煩再用燔瘞以致之此說之最不通者也而陳襄輩乃信其說以爲初終皆有燔瘞摸稜兩可尤治經者所不屑辨

明堂

晉者黃帝始作宮室上棟下宇以止風雨明堂中有一

殿四面無壁謂之明臺亦謂之明庭周人謂之明堂夏
堂爲合殿之制故黃帝又謂之合宮宮謂之室室謂之
宮故夏后氏謂之世室焉周人亦謂之太室焉室必重
檐中倍光明故般人特稱重屋焉以其在國之陽故般
人謂之陽館以其四達而不悖故唐謂之衢室般謂之
總街以其大禮並行於此故虞謂之總章或謂之總期
以太室爲宗祀配天之所故唐虞謂之天府又謂之文
祖藝祖周謂之清廟蓋之以茅又謂之茅屋明堂之名
義有如此者明堂有室室啟以戶戶夾以窗其脩廣之
數唐虞以舟制已無攷而三代之制當以考工記匠人

職爲據記云夏后氏世室堂脩二七言其堂之脩有十四步廣四脩一者又廣其廣四分脩之一尋十七步半二七謂二其七其句法與下三四步四三尺同例四脩一謂四分脩之一其句法與下三之三三之一同例此據世室之全堂爲文而以四面計之者也堂構旣成乃分四隅爲室是謂丕室有四隅室而太室祀丕帝之佺乃分亦有四隅室而十二辰聽朔之佺乃定四隅室分於太室室各四步以脩度之四隅室及中室之正堂其內有三箇四步故曰三四步謂三其四步也凡隅室設窗戶其四面有墉墉之地各有三尺以脩度之四隅室

及中室之正堂其內有四箇三尺故曰四三尺謂四其三尺也不言廣者廣可由此知也此據世室之四隅爲文而以四方界之若合計其脩廣適合堂脩二七廣四脩一之數矣記又曰般人重屋明其屋之高於夏也曰堂脩七尋明其堂之淺於世室也夏后氏大其室謂之世室般人高其屋謂之重屋顧其名可知其義必謂般周之堂空大於夏豈損益之通論哉禹卑宮室庫之云爾般人崇之周人擴之斯文質之義也且般之堂脩七尋堂之基亦如夏倍之爲十四尋畧方一百一十二尺基崇三尺階在基內廣六尺若除階六尺言之室凡基

之中實昇方百尺室中七尋實昇方五十六尺周初明
堂實沿其制故逸周書曰明堂方一百一十二尺階廣
六尺室尻中方百尺室內方六十尺此與般制正合云
六十尺者舉大數約言之也抑亦周初又增益之與嗣
後周公作明堂於土中度以筵堂脩七筵廣益二筵亦
分堂之四隅為室室各二筵其制較般人重屋又大故
記言周人明堂東鹵九筵南北七筵與周書不可合一
般般制一為新制也匠人職先總記一堂脩廣之制而
又室之脩廣又分一堂而別記之可謂至詳且盡說者
不察謂又室中有大榿堂可四分之為九室

鄭謂又室
中有大榿

堂孔疏又分之為九室 不知古者分堂隅為四室遂名中堂曰太

室分之為五室合之實一堂是一堂有五室之名非五

室外又有太室堂之稱而可四分之為四堂故匠人職

記五室不記四堂也太室四達燕四方不可設牖戶東

出謂之青陽南出謂之明堂鹵出謂之總章北出謂之

元堂此高誘語皆太室四達之道不可環而障之為一室亦

不可區而別之為四堂也唯四隅分於太室有四方可

以設牖戶一室四戶一戶兩窗赤綴戶白綴窗戶高八

尺窗高三尺四室十六戶三十二窗匠人職曰四房兩

夾窗白盛房之為言方也四方謂四隅之有壁者對太

室之無四方言每四方有兩夾如復廟東兩箱之制也堂之上四角爲飛檐謂之四阿又作覆檐別設棟以別椽謂之重檐堂基之高殷三尺周九尺設九階焉南面三階東兩北各二階階下又有餘地周之以垣朝會以處諸侯祭祀以合族屬周垣有四門門有兩堂兩室取數於正堂而三分之堂之脩廣凡二室凡其脩之一門凡其廣之一其地在南門外近郊三里之外七里之內明堂之制有如此者抑考之禮園丘所以祀昊天也四郊所以祀上帝也七廟所以祀祖考也三朝所以臨臣庶也辟雍學校所以養老尊賢教國子獻俘馘也又

作明堂者迺以聽月朔朝諸侯宗祀配帝也明堂聽月
朔之禮春圀青陽夏圀明堂秋圀總章冬圀元堂四仲
圀太廟孟季圀兩偏兩偏雖有左右个之別而統於太
廟太廟雖有青陽明堂總章元堂之目而統於太室左
右个不在隅室四太廟初非分爲四堂也明堂朝諸侯
之禮公侯伯子男及夷蠻戎狄九采諸國各有別位以
明諸侯之尊卑其就太也有中階者有阼階東者有
鹵階鹵者有門東門鹵者有東門外南門外鹵門外北
門外應門外者其序太也有北面東上者有鹵面北上
者有東面北上者有東面南上者有南面東上者管者

周公既成洛邑朝諸侯於明堂遂率以祀文王歌清廟之詩其季秋大饗上帝宗祀文王四方諸侯各以其職來助祭又歌我將之詩夫祀天神皆在壇而此獨饗諸廟者亦謂明堂爲天之宮古人謂之天府府者聚也謂天之又帝聚於此也於天府祀天神禮以義起明堂之禮有如此者其有制同於明堂而名襲之者辟雍是也魏文侯孝經傳曰大學者中學明堂之佐也禮記昭穆篇曰大學明堂之東序也盛德篇曰明堂其外水環之曰辟雍此以古者明堂辟雍同制漢人又合靈臺謂之三雍故其名多沿襲而用各有當也其有名同於明

堂而實無與者路寢是也盛德篇曰明堂此天子之路
寢後儒申之者謂路寢卽大寢大寢卽明堂其實路寢
仿明堂之一面有房無箱制亦不同也其有禮同於明
堂而名亦因之者方嶽之壇宮是也天子巡狩至方嶽
下柴望觀侯以壇壝爲宮方三百步四門與明堂之宮
垣同諸侯就旂而太與明堂之朝禮同有壇宮而加方
明故亦有明堂之名也後人據此遂以方嶽明堂之制
爲近郊明堂此好異之過也

明堂通釋

大戴盛德篇明堂者古有之也

案淮南子主術訓曰昔者神農以時嘗穀祀於明堂
明堂之制有益而無四方阮雲臺據此謂明堂之制
始自神農今據繫辭傳黃帝化宮室棟宇爲明堂之
權輿

易繫辭傳上古穴居而野處後世聖人易之以宮室上
棟下宇以待風雨蓋取諸大壯

案此傳承上神農氏沒黃帝堯舜氏化言之上古謂
羲農以上後世聖人謂黃帝虞仲翔注是也初學記
引黃圖曰孝武議太明堂於長安城南許令寢等議
曰明堂蓋與黃帝堯舜之世又引白虎通曰黃帝化

明堂以避寒溫與易傳合亨屋之下覆者待止也

管子桓公問篇黃帝大明臺之讖 尸子欲觀黃帝之

行於合宮

文選注

史記封禪書濟南人公玉帶上黃帝

時明堂圖中有一殿四面無壁以茅蓋通水圓宮垣為

複道

漢書郊祀志申公曰其後黃帝接萬靈明庭

案此黃帝制也廣雅曰堂合殿也

今本脫合字

明堂本合

殿之制故曰合宮中有一殿所謂合殿也四面無壁

以茅蓋卽淮南子有益無四方之說後在明堂之制

昉此明庭猶明廷成伯璵禮記外傳曰黃帝享百神

於明廷是也阮雲臺曰接萬靈明庭卽月令以時祈

祀之始

書堯典賓於四門四門穆穆 正月上日受終於文祖
月正元日舜格於文祖詢於四嶽關四門明四目達
四聰

鄭注文祖者五府之大名猶周之明堂 案此唐制
也文祖爲五府之大名非專謂南面鄭注是也文祖
卽明堂宮垣有四門若復廟無四門之制也賓四門
者擯接諸侯於明堂也關四門者卽仗明堂因關四
門以達天下之百目也朝諸侯受帝仗諸大典必於
明堂中行之

管子桓公問篇堯有禩室之問 檀譚新論明堂堯謂
之五府府聚也言五帝之神聚於此

御覽

案此文祖之別名也帝命驗曰五府唐虞謂之天府
則明堂亦有天府之名矣惠定亨曰周官有天府乃
明堂掌陳寶之官取法於唐虞也云禩室者取四達
之義

書堯典歸格於藝祖用特

鄭注藝祖猶周之明堂 案此虞制與唐同鄭康成

因明堂有文祖藝祖之稱又有宗祀文王之文遂以
祭法禘郊祖宗為配會明堂今不從其說故不錄祭

泐文

尸子觀堯舜之行於總章

文選注

張衡東京賦有虞總

期

案此藝祖之別名也阮雲臺曰以各禮總於此表章
故名總章以各禮總於此期會故名總期字異而義
同

攷工記匠人夏后氏世室堂脩二七廣四脩一又室三
四步四三尺

鄭注脩南北之淡也夏度以步令堂脩十四步其廣
蓋以四分脩之一則堂廣十七步半又室堂上爲又

室象五行也木室於東北火室於東南金室於鹵南
水室於鹵北土室於中央三四步室方也四三尺以
益廣也四室方皆三步其廣益之以三尺中室方四
步其廣益之以四尺此五室凡室南北六丈東西七
丈 案此夏制也漢馬宮說堂脩二七爲十四丈廣
四脩一爲又加四尺益其堂之廣百四十四尺據此
則夏堂轉大於殷矣鄭注訓爲十四步屬假令之辭
亦疑夏堂之過大也隋宇文愷云夏度以步堂脩七
步山東禮本輒加二七讎校古書於無二字今以漢
馬鄭二注校之記文實作二七宇文所謂古書不知

何本未足信也堂脩二七廣四脩一必合下三四步
四三尺言之於義乃明說已詳考鄭解三四步四三
尺於文不順其云南北六丈東西七丈與上文堂脩
廣數亦不合以又室配又行其方仗依生成數即今之河
圖孔翼軒據盛德篇九疇數即今之洛書改易鄭注不可
信

九階四旁兩夾窗白盛

鄭注九階南面三三面各二每室四戶八窗盛之言
成也以屋灰墜牆所以飾成宮室 案買馬之徒以
九階為九等階而鄭易之者鄭說夏堂崇一尺無九

等階可施也知南面有三者明堂伏篇南面有中階
阼階鹵階之名管子曰太三階之上南面而受要是
其證四旁罔夾句旁之言方謂明堂四方有罔室夾
其隅也窗白盛句盛德篇曰赤綴戶白綴牖是也文
次罔夾下明隅室有窗戶中不設也盛德篇謂有七
十二牖失其傳矣

門堂三之二室三之一

鄭注門堂門側之堂取數於正堂爾雅曰門側之堂
謂之墀罔室與門各冗一分 案門堂三之二謂門
中之堂鄭注門側涉下爾雅文而誤室三之一卽左

右夾墻對門堂言謂之門側之堂

殷人重屋堂脩七尋堂崇三尺四阿重屋

鄭注其脩七尋五丈六尺放夏周則其廣九尋七丈二尺也五室各二尋四阿若今四注屋重屋複簷也案此殷制也八尺曰尋不言廣者與脩同也殷堂較夏為大而中室因之不明故必為四阿重屋以達其光阿棟也謂別駕四棟為複檐夏后在室亦四注不自殷始鄭注誤

管子桓公問篇湯有總街之庭

尸子殷人曰陽館

隋字

文愷傳
唐會要

案此重屋之別名也孫淵如曰明堂在國之陽殷曰陽館知夏商已在東南郊也阮雲臺曰說文街四通道也總街亦取明堂四達之義

逸周書明堂方一百一十二尺高四尺階廣六尺三寸室尻中方百尺室中方六十尺戶高八尺廣四尺牖高

三尺門方十六尺

藝文類聚隋宇文愷傳御覽玉海

案此周初明堂猶承殷制者也殷堂脩七尋為五十
六尺其基倍之為一百一十二尺攷工記殷人堂崇
三尺此云高四尺者四古佗三字畫之誤也堂基之
方一百一十二尺其高三尺階在基內尻六尺室尻

中除四面階各六尺爲方百尺其室中之縱橫七尋
實尋五十六尺云六十尺者舉大數約言之也抑亦
堂高四尺室中方六十尺杜周初增室之制與孔奭
軒據此爲成周之制以改匠人文失之矣

攷工記匠人周人明堂度九尺之筵東鹵九筵南北七
筵堂崇一筵五室凡室二筵

鄭駁異義云周人明堂五室是帝各有一室也合於
五行之數周禮依數以爲之室禮記孔疏云以夏之
世室墜之則周之明堂亦應中央大於四隅之室但
文不具耳 案此周制也周人用夏堂脩二七之制

以佗寢廟用般人重屋之制以爲明堂明堂本祇一堂於一堂之上分四隅室凡縱橫各二筵餘爲大室之數不言自見非文有不具也孔疏誤矣明堂本祀五帝之所其堂必分四隅室而太室祀五帝之佗乃定非於四隅室祀四帝也故隅室二筵不嫌其陝鄭謂五帝各有一室失其義矣

大戴盛德篇其宮方三百步在近郊近郊三十里

許氏異義曰洹于登說明堂在國之陽丙巳之地三里之外七里之內而祀之就陽佗案其宮方三百步以明堂周垣言之也禮儒行儒有一畝之宮亦同

儀禮覲禮諸侯覲天子爲宮方三百步明堂之制宜亦同也盧辨注引韓詩說明堂在南方七里之郊與滄于說合大戴云近郊三十里十字疑七之誤滄于三里外七里內之說卽本此

禮月令孟春之月天子汎青陽左个仲春之月天子汎青陽太廟季春之月天子汎明堂左个仲夏之月天子汎明堂太廟季夏之月天子汎明堂右个孟秋之月天子汎總章左个仲秋之月天子汎總章太廟季秋之月天子汎總章右个孟冬之月天子汎立堂左个仲冬之月天子汎立堂太廟季冬

之月天子居玄堂右个

鄭注青陽左个大覆東堂北偏青陽太廟東堂當太室青陽右个東堂南偏賈息伯云月令本無九室之名原其制置不乖又室青陽右个卽明堂左个明堂右个卽總章左个室猶是又而布政十二又室之理爲可以安 案此聽朔之禮也明堂必有四隅室而太室祀又帝之位乃分故別稱之曰青陽明堂總章元堂其實同一太室也故又稱之曰太廟古者祀鬼神皆在室其室謂之廟諸太廟皆謂當太室祀帝處也故謂之太廟可也謂之太室亦可也尙書大傳引

用此文而併仲春元青陽正室仲夏元明堂正室仲
秋元總章正室仲冬元元堂正室是也太室雖有四
太廟之分而實一室是猶兩偏雖有左右个之分同
屬太廟也或者不察於中央設戶牖分爲四堂五室
謂之九室又分之爲九室十二堂誤矣或者又疑將
堂後室古宮恆制明堂必分九室堂室乃明
此戴氏
東原說
不知古制本多不同或有堂而無室榭序是也或分
併爲室合併爲堂明堂是也故明堂有五室謂之室
可也謂之堂可也夏併明堂爲在室周併在室爲明
堂義各通也如於東鹵九筵南北七筵之中瓜分之

為九室為十二堂曷無隘陝已甚不足以享鬼神行
禘獻乎鄭君以九室為秦制非古制月令所言不並
又室左右个即太廟之左右偏繹鄭之意一堂之上
為又室祀又天帝於又室不在堂聽朔於太廟左右
个皆在一堂之上分四方而尻之不在室是明堂祇
一堂又室也賈氏申鄭謂左右个在隅室又分一堂
為四與秦九室同制非特不合經意并失鄭義矣
周官太史閏月詔王尻門終月 禮玉藻天子元端聽
朔於南門之外閏月則闔門左扉大於其中
鄭注南門謂國門也明堂在國之陽每月就其時之

堂而聽朔焉卒事反宿路寢亦如之閏月非常月也聽其朔於明堂門中還處路寢門終月凡聽朔必以特牲告其帝及神配以文王武王案天子聽朔有兩禮一在大廟說文閏字注云告朔之禮天子凡宗廟閏月凡門中是也一在明堂如王凡明堂禮是也平時王聽朔於太廟閏月太門中太廟門事畢反寢自有常凡非終月也周官太史閏月詔王凡門終月爲王凡明堂禮鄭注牽說不分似非

孝經孔子曰管者周公郊祀后稷以配天宗祀文王於明堂以配上帝

案此宗祀配天之禮也或疑人鬼饗諸廟天神祀諸壇明堂爲文王廟不可以祀天帝不知周公爲壇墀以告三主人鬼亦有饗諸野者猶明堂祀上帝天神亦有措諸廟也且明堂爲泮天之宮古人謂之天府則是天神之府非文王之廟也徐邈曰郊爲天壇則堂非文廟此語尋之

禮明堂佻簪者周公朝諸侯於明堂之佻天子負斧佻南鄉而太三公中階之崑北面東上諸侯之佻阼階之東鹵面北上諸伯之佻鹵階之鹵東面北上諸子之國門東北面東上諸男之國門鹵北面東上九夷之國東

門之外鹵面北上八蠻之國南門之外北面東上六戎之國鹵門之外東面南上五狄之國北門之外南面東上九采之國應門之外北面東上四塞在告至此周公明堂之佷也明堂也者明諸侯之尊卑也

案此朝諸侯之禮也明堂周垣有四門南門外又有應門

詩序清廟祀文王也周公既成洛邑朝諸侯率以祀文王焉 我將祀文王於明堂也

案盛德篇明堂以茅蓋屋而春秋傳曰清廟茅屋是清廟卽明堂也清廟者清虛之廟天帝之所處也或

以宗祀文王遂謂文王廟非也詩序言明堂之配兩
舉文王不及武王孝經亦同則鄭注文武並配之說
可以知其非矣

周禮秋官司儀將合諸侯則令爲壇三成宮旁一門
掌舍掌王之會同之舍爲壇遺宮棘門儀禮覲禮諸
侯覲於天子爲宮方三百步四門壇十有二尋深四尺
加方明於其上孟子齊宣王問曰人皆謂我毀明堂
毀諸已乎孟子對曰夫明堂者王者之堂也王欲行王
政則勿毀之矣

鄭注合諸侯謂有事而會也爲壇於國外以命事宮

謂壘土以爲牆處所謂爲壇壝宮也鄭司農云三成三重也又云四時朝覲受之於廟此謂時會殿同也宮謂壘土爲埒以象牆壁也王巡守至於方嶽之下諸侯會之亦爲此宮以見之 案此方嶽之壇壝宮亦謂之明堂而與近郊明堂迥別鄭注甚明自王炎文獻志以此爲近郊明堂近儒金輔之汪容甫皆主其說意好新異非本實是也

大戴盛德篇明堂者所以明諸侯尊卑外水曰辟雍周時德澤洽和蒿茂大以爲宮柱名曰蒿宮此天子之路
復也

案此沿明堂之名而亦與明堂異制也蔡邕謂清廟
太廟太室明堂太學璧雍異名而同事袁準辨之已
明矣詩曰鎬京辟雍自鹵自東自南自北無愆不服
此卽明堂四達之義蓋古辟雍之制與明堂同故漢
初合明堂辟雍靈臺謂之三雍亦謂之三宮然既謂
之三雍三宮則明堂辟雍靈臺皆在異地非爲一體
亦明矣盛德篇文未可信也盛德篇又謂明堂卽路
寢蓋周衰禮廢學者誤記所聞鄭注亦沿之而多連
盤

逸周書佻雒解乃仗五宮大廟宗宮考宮路寢明堂成

有四阿反坫重亢重郎常桑複格藻稅設移旅楹春常
畫旅內階立階隄唐山廡應門庫臺立闕

孔晁注宗廟四下曰阿反坫外向室也重亢桑棟也
重郎桑屋也常桑系也複格桑芝栢也藻稅畫梁柱
也承屋曰移旅列也春常謂藻井之飾也畫旅言皆
畫列柱爲文也元階以黑石爲階唐中庭道隄謂高
爲之也山廡謂廡畫山雲門者皆有臺於庫門見之
從可知也又以黑石爲門隄也 案此以太廟宗宮
考宮路復明堂爲五宮足破蔡氏太廟明堂合一之
說宗宮謂在室考宮謂親廟亢之言梁郎之言廊重

亢重郎謂重屋之制內階謂階在堂基之內不外表也

大戴盛德篇明堂凡九室一室而有四戶八牖凡三十六戶七十二牖以茅蓋屋明堂月令赤綴戶也白綴牖也二九四七五三六一八堂高三尺尺一作丈東鹵九切一作

筵南北七筵上圓下方九室十二堂

鄭駁異義曰盛德記九室三十六戶七十二牖似秦相呂不韋作春秋時說者所益非古制也及其下顯與本章異 案此秦漢明堂之制也其云九室者秦制也分太室為四堂而尋九室也其云九室十二堂

者漢制也又於四隅外環列四室八堂也盛德篇上
記秦制下記漢制二者不同故鄭謂其下顯與本章
異也蔡邕明堂論誤據秦漢制以爲周禮近惠定宇
申其說不可信也月令春數皆八夏數皆七秋數皆
九冬數皆六專以五行成數言盛德篇引明堂月令
二九四七五三六一八以九疇數言九疇數甚圓轉
學者不可執一論之

受業許克勤
子家辰
全校